



TOSHKENT DAVLAT YURIDIK UNIVERSITETI REKTORINING B U Y R U G ' I

14.05.2024

74-um-son

“Men O‘zbekistonlikman” tengdosh- tengdoshga tamoyili asosida keng qamrovli loyihalarni amalga oshirish to‘g‘risida

O‘zbekiston Respublikasi adliya vazirining 2024-yil 27-fevraldagi “O‘zbekiston Respublikasi Adliya vazirligi tomonidan 2024-yil davomida yoshlar bilan ishlash bo‘yicha kompleks chora-tadbirlarni tashkil etish to‘g‘risida”gi 78-um XDFU-son buyrug‘i hamda 2024-yil 6-maydagi “Bolalar va yoshlarning huquqlarini himoya qilish” huquqiy aksiyasini o‘tkazish to‘g‘risida”gi 144-um-son buyrug‘ida belgilangan vazifalar ijrosini ta‘minlash hamda mamlakatimizda amalga oshirilayotgan islohotlar mazmun-mohiyatini yoshlarga yetkazish, ularda Vatanga bo‘lgan muhabbatni oshirish hamda amalga oshirilayotgan islohotlarga nisbatan daxldorlik tuyg‘ularini va faol fuqarolik pozitsiyasini shakllantirish maqsadida

BUYURAMAN:

1. O‘zbekiston Respublikasi adliya vazirining 2024-yil 27-fevraldagi 78-um XDFU-son hamda 2024-yil 6-maydagi 144-um-son buyruqlari ma’lumot va ijro uchun qabul qilinsin.

2. Quyidagilar:

2024-yil O‘zbekistonda “Yoshlar va biznesni qo‘llab-quvvatlash yili” deb e’lon qilinishi munosabati bilan O‘zbekiston Respublikasi Prezidenti Sh.Mirziyoyevning tashabbuslari bilan huquq-tartibot organlariga 2024-yilda Yoshlar bilan ishlash uchun 4 mln nafar yoshlarni otaliqqa olish va ular bilan manzilli ishlash tizimini tashkil qilish vazifalari belgilanganligi;

Topshiriq doirasida adliya organlari va muassasalariga Respublika bo‘yicha 4-sektor hududidagi 500 000 nafar yoshlar biriktirilganligi;

Adliya vazirining 2024-yil 13-yanvardagi “Adliya organlari va muassasalari tomonidan yoshlar bilan ishlash tizimini tashkil qilish chora-tadbirlari to‘g‘risida”gi 6-um-son buyrug‘i hamda adliya vazirning 2024-yil 19-yanvardagi 11/4-1/282-son topshiriq xati bilan vazirlikda 1 ta (9 ta yo‘nalish bo‘yicha ishchi guruh), hududiy adliya organlarida 14 ta tuman (shahar)larda 208 ta shtablar tashkil etilganligi;

Adliya vazirligi tomonidan 2024-yil davomida yoshlar bilan manzilli ishlash bo'yicha kompleks chora-tadbirlarning kalendar rejasi (bundan buyon matnda – Kalendar reja) tasdiqlanganligi;

Kalendar rejada nazarda tutilgan tadbirlarni tashkil etish bilan bog'liq xarajatlarni budjetdan tashqari Adliya organlari va muassasalarini rivojlantirish jamg'armasi hamda Toshkent davlat yuridik universitetining budjetdan tashqari va to'lov-kontrakt mablag'lari hisobidan amalga oshirilishi belgilanganligi **inobatga olinsin**.

4. 2024-yilning may oyi davomida respublika bo'ylab Adliya vazirligi tomonidan otaliqqa olingan yoshlarga mamlakatimizda amalga oshirilayotgan keng qamrovli islohotlar mazmun- mohiyatini yetkazish, aholining, ayniqsa yoshlarning huquqiy bilimlarini, intellektual-ijodiy salohiyatlarini, bilim va ko'nikmalarini oshirish, ularni noan'anaviy usullar bilan kreativ fikrlash va tahlil qilishga o'rgatish, ilm-fan, innovatsiyalarga qiziqtirish, kitobxonlikni keng targ'ib qilish, yoshlarda Vatanparvarlik, millatini qadrlash tuyg'ularini to'g'ri shakllantirish, ularni tadbirkorlik faoliyatiga qiziqtirishga ko'maklashish maqsadida keng qamrovli **“Men O'zbekistonlikman”** targ'ibot poyezdi aksiyasi amalga oshirilsin.

5. Targ'ibot poyezdi aksiyasini hududlarda o'tkazish uchun hududlarning imkoniyati hamda hududlarda tashkil etiladigan loyihalar soni va yoshlarning qamrovini inobatga olib 2024-yilning 21-24-may kunlari universitet professor-o'qituvchilari, xodimlari va talabalaridan (5-8 nafar) iborat targ'ibot guruhlari shakllantirilsin.

6. Targ'ibot poyezdi aksiyasini tashkil etish bo'yicha konsepsiya 1-ilovaga, Targ'ibot aksiyasini tashkil etish muddatlari 2-ilovaga hamda Targ'ibot aksiyasini amalga oshirish bo'yicha ishchi guruh tarkibi 3-ilovaga muvofiq tasdiqlansin.

7. Ishchi guruh (B.Xodjayev):

targ'ibot poyezdi aksiyasini respublikaning 208 ta tuman (shahar)larida 4-sektor hududidagi yoshlar uchun tashkil etilishi bo'yicha hududiy adliya organlari bilan yaqindan hamkorlik qilish hamda ular bilan birgalikda manzilli reja tayyorlash choralarini ko'rsin;

targ'ibot poyezdi aksiyasi mazmun-mohiyati keng targ'ib qilish orqali unda universitet professor-o'qituvchi, xodimlarini hamda iqtidorli talabalarini keng qamrab olish choralarini ko'rsin hamda ularni saralab olish orqali hududlar kesimida targ'ibot guruhlari shakllantirish choralarini ko'rsin;

Konstitutsiyaviy huquq kafedrasini (I.Bekov), Davlat va huquq nazariyasi kafedrasini (M.Utemuratov), Umumta'lim fanlar va madaniyat kafedrasini (G.Nosirxodjayeva) bilan birgalikda targ'ibot guruhlari uchun universitetda malakali professor-o'qituvchi, xodimlarni va targ'ibotchilarni, shu bilan birga Adliya vazirligi xodimlarini jalb qilgan holda Targ'ibot poyezdi aksiyasi mazmunidan kelib chiqqan holda 2 kunlik seminar-trening hamda amaliy mashg'ulot (amaliy dars) tashkil etish choralarini ko'rsin;

hududlarda o'tkaziladigan tadbirlarda foydalanish maqsadida targ'ibot

guruhi a'zolarini targ'ibot materiallari va tegishli taqdimot bilan ta'minlash hamda targ'ibot guruhi a'zolariga targ'ibotni yuqori saviyada tashkil etish, otaliqqa olingan har bir yosh bilan manzilli ishlash bo'yicha tushuntirish ishlarini olib borsin;

Uzliksiz ta'lim boshqarmasi (D.Avezov) bilan birgalikda targ'ibot poyezdi aksiyasiga Yuridik texnikum direktorlarini ham jalb qilgan holda yuridik texnikumlarning professor-o'qituvchi va o'quvchilaridan iborat hududiy targ'ibot guruhlari faoliyatini yo'lga qo'yish, TDYU professor-o'qituvchi va talabalaridan iborat tarkibda shakllantiriladigan targ'ibot guruhlari bilan birgalikda o'qitish choralari ko'rsin;

targ'ibot guruhlari a'zolarini hududlarga xavfsiz borib-kelishi, joylarda targ'ibot tadbirlarini loyihani tashkil etish konsepsiyasiga muvofiq tashkil etilishi hamda ko'zlangan maqsadga erishishini to'liq nazoratga olsin;

targ'ibot tadbirlarining tashkil etilishini kunlik tahlil qilib borilishini, otaliqqa olingan yoshlar bilan ishlashning samarali mexanizmlarini joriy qilish, har bir yoshning qalbiga yo'l topa olish, ularda intilishga, bilim olishga bo'lgan qiziqishini oshirishga xizmat qiladigan loyihalarni amalga oshirish bo'yicha targ'ibot guruhlarning fikr-mulohazalari asosida takliflar tayyorlash choralari ko'rsin;

targ'ibot guruhi a'zolarining ta'lim muassasalari, mehnat jamoalari, mahalla fuqarolar yig'inlari, xonadon (imkoniyati cheklangan yoshlar va boshqa og'ir toifa uchun)larda yoshlar uchun tadbirlar tashkil etilishi, ular bilan muloqot maydonchasini tashkil etilishini hamda ularda daxldorlik hissini shakllantirilishi borasida tizimli ishlashini tashkil etish choralari ko'rsin;

Targ'ibot aksiyasi loyihasini yuqori saviyada tashkil etishda faollik ko'rsatgan xodim va talabalarni rag'batlantirish choralari ko'rsin.

8. O'quv-uslubiy boshqarma (Registrator ofisi) (S.Bozorov) fakultet dekanlari bilan birgalikda "Targ'ibot poyezdi" aksiyasiga jalb qilingan talabalarga targ'ibot aksiyasida ishtiroki davomida (o'quv-seminar va hududlarda o'tkaziladigan targ'ibot aksiyasi kunlari) topshirishi kerak bo'lgan yakuniy nazorat ishlarini boshqa muddatlarga ko'chirib berish choralari ko'rsin.

9. Kadrlar bo'limi (S.Mamanazarov):

15-may sanasiga qadar targ'ibot poyezdi aksiyasini 14 ta hududda tashkil etish uchun shakllantiriladigan targ'ibot guruhlarga rahbar sifatida universitet professor-o'qituvchi va xodimlarni jalb qilish choralari ko'rsin;

loyihani hududlarda amalga oshirish jarayoniga targ'ibot guruhi rahbari sifatida jalb etilgan professor-o'qituvchi va xodimlarni xizmat safariga yuborish bo'yicha tegishli buyruq rasmiylashtirilishini ta'minlansin.

10. Buxgalteriya (M.Parpiyev):

buyruqning 2-ilovasiga muvofiq belgilangan muddatlarda targ'ibot guruhi a'zolarining hududlarga borishi va qaytishi uchun chiptalarni oldindan band qilish va ularga chiptalarni belgilangan tartibda rasmiylashtirib taqdim etilishi ta'minlansin;

targ'ibot guruhi a'zolarining kundalik xarajatlari uchun to'lovlarni hamda ularni turar joy bilan ta'minlash bilan bog'liq xarajatlarni belgilangan tartibda amalga oshirilishi ta'minlasin;

Ekspluatatsiya va ta'mirlash boshqarmasi (I.Bozarov) bilan birgalikda targ'ibot loyihasini Toshkent shahri va Toshkent viloyatida amalga oshiradigan targ'ibot guruhi a'zolari uchun transport jalb qilinishini ta'minlasin;

Ta'minot boshqarmasi (A.Xundibayev) bilan birgalikda targ'ibot guruhi a'zolarini loyiha ramzi va shiori tushurilgan maxsus kiyim-boshlar bilan ta'minlanishi hamda har bir targ'ibot guruhlariga joylarda tashkil etiladigan tadbirlarda faol ishtirok etgan yoshlarni rag'batlantirish maqsadida taqdim etishi uchun universitet belgisi tushurilgan (15 donadan krujka hamda 15 donadan blaknot) mahsulotlarini hamda taqdim etilishini ta'minlasin;

Tahririy-nashriyot bo'limi (O.Choriyev) bilan birgalikda ishchi guruh so'roviga muvofiq targ'ibot tadbirlarida foydalaniladigan tarqatma material hamda joylardagi faol yoshlarga taqdim etish uchun diplom, faxriy yorliq va tashakkurnomalarni universitet Tipografiyasidan chop ettirilishini ta'minlasin;

loyihani yuqori saviyada tashkil etish bilan bog'liq xarajatlarni Universitetning budjetdan tashqari mablag'lari hisobidan moliyalashtirish choralarini ko'rsin.

11. Jamoatchilik va OAV bilan aloqalar bo'limi (J.Haydarov):

otaliqqa olingan yoshlar bilan ishlash bo'yicha TDYU tomonidan amalga oshiriladigan ishlarni shu jumladan, targ'ibot poyezdi aksiyasini keng yoritish borasida OAVlari, televidenie va radiokanallar bilan yaqindan hamkorlik qilish choralarini ko'rsin;

barcha jarayonlardan universitet jamoasi hamda keng jamoatchilikni xabardor qilish maqsadida muntazam ravishda videorolik, informatsion yangiliklar tayyorlab OAVlari orqali keng yoritish choralarini ko'rsin.

12. Ma'naviyat va ma'rifat markazi (Sh.Po'lotov)otaliqqa olingan yoshlar bilan ishlash borasida TDYU jamoasi tomonidan amalga oshirilgan ishlar haqidagi haftalik ma'lumotlarni Adliya vazirliginingotaliqqa olingan yoshlar bilan ishlash bo'yicha Respublika shtabiga taqdim etib borilishini ta'minlasin.

13. Mazkur buyruq ijrosi nazoratini o'z zimmamda qoldiraman.

Rektor v.v.b.



I.RUSTAMBEKOV

Kiritildi:

Direktor

SH.PO‘LOTOV



Kelishildi:

Bosh buxgalter

M.PARPIYEV



yuriskonsult

D.ALIBOYEV



Bo‘lim boshlig‘i

S.MAMANAZAROV



Ilmiy ishlar va innovatsiyalar
bo‘yicha prorektor

B.XODJAYEV

